

անշարժ գույքի 1/3 բաժնեմասը, այն է՝ 120 քմ հողամասն ու դրանով ծանրաբեռնված, ներկայումս իրենց կողմից օգտագործվող շինությունները՝ որպես հայցվորի սեփականություն:

ՀՀ Երևան քաղաքի Էրեբունի և Նուբարաշեն վարչական շրջանների ընդհանուր իրավասության դատարանի (դատավոր՝ Ա.Մերանգույան) 01.10.2012թ. որոշմամբ հայցադիմումն ընդունվել է վարույթ: Նույն դատարանի 05.12.2012թ. որոշմամբ նշանակվել է դատաշինարարատեխնիկական փորձաքննություն:

ՀՀ Երևան քաղաքի Էրեբունի և Նուբարաշեն վարչական շրջանների ընդհանուր իրավասության դատարանի դատավոր Ա.Մերանգույանի լիազորությունները դադարեցվելու պատճառով թիվ սույն քաղաքացիական գործը վերամակագրվել է նույն դատարանի դատավոր Լ.Գրիգորյանին, վերջինիս կողմից այն վարույթ է ընդունվել 27.06.2013թ., և գործի վարույթը վերսկսվել է:

ՀՀ Երևան քաղաքի Էրեբունի և Նուբարաշեն վարչական շրջանների ընդհանուր իրավասության դատարանի (դատավոր Ե.Եսոյան) թիվ ԵԷԴ/0026/04/14 քաղաքացիական գործով 15.04.2014թ. կայացված վճռով Սամվել Կառլենի Ասոյանը ճանաչվել է սնանկ:

ՀՀ Երևան քաղաքի Էրեբունի և Նուբարաշեն վարչական շրջանների ընդհանուր իրավասության դատարանի 25.08.2014թ. որոշմամբ սույն գործով նշանակվել է լրացուցիչ դատատեխնիկական փորձաքննություն, իսկ 20.10.2014թ. որոշմամբ քաղաքացիական գործի վարույթը վերսկսվել է:

03.03.2015թ. հայցվոր Առաքել Կառլենի Ասոյանի ներկայացուցիչ Էդգար Գրիգորի Բաղեմյանը ներկայացրել է դիմում պահանջի փոփոխություն կատարելու մասին խնդրելով ՀՀ Երևան քաղաքի Գլինկայի փողոցի 1-ին նրբանցքի 1 տուն հասցեում գտնվող անշարժ գույքը հրապարակային սակարկություններով վաճառել և ստացված գումարը հետագայում բաշխել ընդհանուր սեփականության մասնակիցների միջև՝ նրանց բաժիններին համաչափ:

20.05.2015թ. պատասխանող Լևոն Շահենի Համբարձումյանը խնդրել է իրեն հանել պատասխանողների կազմից՝ պատճառաբանությամբ, որ Երևանի քաղաքապետի 16.06.2009թ. թիվ 6216-Ա որոշման հիմքով իր բնակելի տունը և դրանով զբաղեցրած հողատարածքը սահմանված կարգով առանձնացվել է, տրվել է նոր հասցե՝ ՀՀ, ք.Երևան, Գլինկայի նրբանցք, 1/1:

ՀՀ Երևան քաղաքի Էրեբունի և Նուբարաշեն վարչական շրջանների ընդհանուր իրավասության դատարանի կողմից 01.06.2015թ. կայացված վճռով հայցը բավարարվել է, դատարանը վճռել է հրապարակային սակարկությունների միջոցով վաճառել Երևան քաղաքի Գլինկայի փողոցի 1-ին նրբանցքի 1 հասցեում գտնվող անշարժ գույքը, ստացված գումարը բաշխելով ընդհանուր սեփականության մասնակիցների միջև նրանց բաժիններին համաչափ:

Նշված վճռի դեմ վերաքննիչ բողոք է ներկայացվել գործին մասնակից չդարձված անձ Աիդա Արտաշեսի Վարդանյանի ներկայացուցիչ Էդվարդ Չինարյանի կողմից, և ՀՀ վերաքննիչ քաղաքացիական դատարանի 31.03.2016թ. որոշմամբ վերաքննիչ բողոքը բավարարվել է, և ՀՀ Երևան քաղաքի Էրեբունի և Նուբարաշեն վարչական շրջանների ընդհանուր իրավասության դատարանի 01.06.2015թ. վճիռը բեկանվել է, ու գործն ուղարկվել է նույն դատարան՝ նոր քննության:

ՀՀ Երևան քաղաքի Էրեբունի և Նուբարաշեն վարչական շրջանների ընդհանուր իրավասության դատարանի (դատավոր Ե. Եսոյան) 19.05.2016թ. որոշմամբ քաղաքացիական գործն ընդունվել է վարույթ, իսկ 25.07.2016թ. վարույթ է ընդունվել սույն քաղաքացիական գործով ներկայացված հակընդդեմ հայցը՝ ներկայացված Գայանե Մաքսիմի Մանուկյանի, Սուսաննա Վարդանի Ասոյանի և Սեյրան Վարդանի Ասոյանի կողմից ընդդեմ Առաքել Կառլենի Ասոյանի, Սամվել Կառլենի Ասոյանի, Ստյոպա Արարատի Բերնեցյանի, վեճի առարկայի նկատմամբ ինքնուրույն պահանջ չներկայացնող երրորդ անձ Լևոն Շահենի Համբարձումյանի և Արթուր Ռուբիկի Սեդրակյանի՝ ՀՀ Երևան քաղաքի Գլինկայի փողոց 1-ին նրբանցք 1 տուն հասցեի անշարժ գույքը հրապարակային սակարկություններով վաճառելու և ստացված գումարը հետագայում սեփականության մասնակիցների միջև՝ նրանց բաժիններին համաչափ բաշխելու պահանջների մասին:

